

小重山房詩詞全集

小重山房詩詞全集總目

外孫耿道冲重編

詩船詩錄 六卷

詩船詩外 四卷

詩船詞錄 二卷

右十二卷於道光戊戌經姚春木毛申甫
王海客三先生將原刻小重山房初稿三
十餘卷選錄而成初稿暨選刻兩板
同燬兵燹今以戊戌選刻本重梓

詩船續稿 二十卷

右仿唐人小集例各署一名初分爲十六
卷其首七卷原板被燬餘皆丁未以後之

作板藏京師幸得留存咸豐季年復增詩
二卷樂府一卷同治紀元公薨旋載板
以歸迨光緒初年就板之所存者印行名
曰小重山房詩續錄今爲補刻首七卷仍
分詩餘一卷合成二十卷而以公自編
日冠諸端因復稱舊名以括之且以別前
選也
共三十二卷

總目終

外曾孫趙鍾秀校字
曾孫爾鼎

詩經卷之五

古人論詩有不能不爲之境學之垂四十年未能進乎此也家世傳詩不可自巳積紙旣多遽付剞氏年時稍有所見頗自悔匿而世之知詩者反以不學一體不名一格賞之輒復自喜近獲質友重爲點定計十存三讀禮餘暇又痛自釐汰始已巳巳以前不錄都爲六卷附先集後噫旣悔之旋存之旣匿之旋出之人情或類然耶余無以自解也道光戊戌閏夏祥河自敘於二涇丙舍

寶山毛嶽生同里姚椿王友光選定

詩船詩錄卷一

華亭 張祥河 元卿

登岱

胚胎一元天帝孫秩祀五嶽東方尊古來封禪
七十二至今絕頂臺歸存羣山來朝萬千笏衣
紫冠青拜金闕陰陽闔闢神鬼符風雨文章漢
秦碣驅車曩誤悔可追閉置兩載不更疑高揖
山靈拂衣上要看日出扶桑枝岱宗坊前夜昏
黑摘堦索塗復何恤始經盤道人蟬行旋入紅

門路梯直層巒插漢風摩空昇夫喘息成啞聾
四十八里三百步寸步艱險何終窮天紳垂垂
石關下橋折登仙嶺迴馬榛荒獐怪埠帶腥土
變黃中峴塗赭連盤十二紆奇探倏而自上下
者三遵途平坦極稱快峭壁陡復空中參御帳
開坪天尺咫眞宗東封今已矣天關掌者五大
夫老鱗千年走海死明萬歷中松拔於蛟今之
五松非秦封之二株矣
頗聞龍峪大小龍對山翠峙名對松神麾羽蓋
互離合木仙髯叟相追從百沸濤聲出兩膀閃

白痕殘月鉤射鳥魂悽欲驚露梢蝠噉尖看補
苔罅盤盤愈峻愈絕塵身如裊空游絲春動搖
頂上幾兩屐突兀畫中重累人翠屏週圍三面
列一面當之受風缺迴思下界知有無仰視高
穹漸清切我來手摘星斗橫今朝眞繞台階行
急趨日觀登恐晚碧樹已唱天雞聲四表虹霓
若騰擲忽白忽殷忽紺碧烏踰直踏渤澥翻龍
君捧出瑛盤赤人生壯觀凡眼開兩大色相眞
形該楚江紅萍但如此吳門白練安窮哉阿閣

言身言金卷一
琳房歷如故金書玉簡有誰護氛穢蔽夜辨沕
茫巖岫平明豁呈露嶽嶽山體天體作豈直控
魯兼齊州齋心早企碧霞景繭足難徧黃華游
萬古何人作岱史窅遼穴窺空自侈太平絕頂日太
平游記摩崖書書年己巳月己巳

慧泉

品絃夏流水品詩寫飛瀑頻年賦近游夢繞慧
山麓茲來飽泉味巖竇發奇馥冽寒風薦秋液
湛露澂宿習習清兩腋涓涓滿一掬靜中鏡拭

匳動襲羅皺。穀探源無徑。波鑿竅。妙渟蓄。嘗聞
慧山脈。宛轉歷天目。來龍峰九起。歎欲領珠伏。
成此方圓池。繚以左右竹。居人日攜泉。何止百
千斛。半泓驗水痕。總不稍盈縮。芳雖資苦薺。甘
亦釀新麴。花枝出酒帘。歷歷面山屋。灌碧引響
繁。流殷濯鱗六。我清鑒毛髮。我濁饜梁肉。行尋
浣沼蘇。一證茶經陸。

翦江

澄江浩無際。匹練素波展。兩舟帆疊張。一纜篋

交辯帆隨風勢橫
劃然快并翦茫茫虹亘流
溟雪紛卷濤迴燕尾疾
浪激船身軟晴巒青與
馳遠樹白難辨舵工定
兩握安坐足徒跣但聞
聲沸騰相視膽怯慙直瀉
欲千里帆力百鈞轉

登攝山作

江帆泊長風山翠沐新雨
寺門對雨開百道奔
泉聚相蹙當深涉游興頗
能鼓衝鞍素練翻澄
鏡玉虹舞金碧紛動搖
澗谷互吞吐同來復幾
輩圓笠青無數杖筇摩
畢登逸駭快披覩山腳

愁積陰山腰霧當午蒼皮洗鱗潤遠黛豁眉嫵
一峰罨一松狀笏向空拄壁斷神隱鞭棧危鬼
施斧前行不遺力後者欲栗股泠泠琴筑聲清
流十丈俯轉疑無路上藤蘿絡岩戶鬚髻苔濯
髮蓊鬱石垂乳居僧敞幽居古碣鐫太古翻嗤
岫嶮遺傳會究何補我茲香火緣初地緬初祖
砌荒摘綠馨闌亞見紅腐山空斜照滿鳴蟬曳
清苦千章森夏木一綫迥秋宇亭亭最高峰指
點借譚塵飛霞暮復還峰頂有棲羽

月夜泊舟焦山下

一更月捧黃金盤二更月漾水晶丸三更四更
風露寒月波浩浩江波寬江上青山如過客獨
立蒼茫數遙夕斗大星明山頂石山鬼有時嘯
空碧漫天詩氣萬籟秋舟人夜語歡復愁明朝
不及焦山游五更風順收瓜州

康烈婦

生完宋女死康婦婦德節烈女貞守稱婦於康
志勿負婦家貧薄父故儒頗怪幼小慕詩書及

笄乃字康心如朱陳之村故同里諏吉求昏歲
甲子一旦病疴藥不起康有鬻母婦則姑姑寡
無嗣嗣婦夫死更嗣弟夫宗扶婦志徇夫哀激
屬姑忽遣人索聘幣生不改適出死誓上堂拜
父乞父憐女心一許無二天請往奉姑終女年
父曰此心吾鑒汝此事須憑姑汝許挽鹿無車
媒斧拒眼枯四載愁斷腸鴟鴞音革孤鸞翔越
歲已巳來歸康歸康拜姑遂女志納女終非姑
本意小樓獨居下無地焚香祝天願姑壽姑心

不怡職婦咎詬誅鞭笞一身受姑不婦憐父痛
惜一死從夫姑意釋月照牀頭帛三尺

程春廬年丈招同宋芷灣陳恭甫兩編修
方鐵珊孝廉飲孫公園寓齋

春雲撥甕香寒霧釋鑪火不知氊幕外今宵玉
戲頗盍簪敘勞積踵至參離坐高文示鏗耀妙
論開豁間常時戒狂醉禁此袍袖輒矧復集騷
雅斗酒十千可庭柯膩粉糝園石玉苔鎖一白
認荒曙飛絮歸輪裏

趙北口

柳絲纒碧陰迴風拂塵鞵高枝旭漏晴懸巢大
于甕好鳥亦解事對客作清唳醒眼洗易明覺
我烟水夢網多一橋聚艇捷兩漿送微聞魚氣
腥漸近市聲闐野店繚垣曲春花補籬空擊鮮
動口饑娛景託吟諷入饌足數尾今日飲須痛

山行雜詩

前車雷走聲隆隆後車馬疾嘶當風出門齊戒
早行好轅下鐙斜星一道環林十里猶平舉林

窮陡厯山坡高沙明路白春草死細碾雙輪紛
石子四蹶火爍踏鐵溫夜涼馬汗蒸溼昏崎嶇
萬狀寫凹凸象踞虎蹲馬防蹶以人御馬力尙
能長鞭勁裂黃河冰忽經斷澗水簾掛虹亘千
年石梁壞舍車思挾行雲行愁經犖确天微明
使我兀坐駭心目已聽前途折車軸

羈心搖搖晝驚寤迢遞山程紛莫數望眼頻穿
夕陽路村人招客供濁醪攔車入店馬入槽脫
鞵馬滾塵沙高須臾西山白日落月湧輪圓照

荒漠傭保繞廊手擊櫟牀頭鐙滅犬不鳴獨客
就枕夢欲成櫟聲轉急催客行

亢旱燥初夏日出兩厓赤黃塵卷地來和汗鼻
端積微參兩觀何處香棗花一白邨籬隔邨前
古井闌井冽引泉脈轆轤鴉軋水有聲將水飲
馬人意惜吾家泖上波正長渴想勞勞感行役
今朝小穀城明日司吾驛林表閒雲似歸客飛
去江南水天碧

曹玉水評事謫戍烏魯木齊雨中送至天

口寺話別四首

謫戍天山外時平亦壯游
青口凋客鬢白漫愴
烏頭鼓角邊聲勁星河夜氣秋
猶容蕭寺裏摻
袂爲淹留

全家分別苦襟袖淚痕斑
愛日還依闕餘生
待 賜環況君承厚蔭在昔動
天顏間道春
回早和風入玉關

分謫同官在偕行得顧

中彭水
翰部

登臺鄉思共跨

馬客裝輕慷慨申朝誼艱難見友情
傳家惟諫

草屏當事長征

祖道終揮涕傷心不自持
黑雲連日雨落月一
編詩斷雁傳書杳荒雞
醒夢遲別無持贈物勸
盡掌中卮

追輓康茂園師

讀書熟河渠宣防偉
擘畫節麾導清黃徒眾歌
鄭白鑿險昧故道當事叩
耆碩載莅仰使星指
授下竹石歸休乃大隱
乞言猶前席利便洞剔
鬢著述窮鳥澤一朝返靈素
九重震惋惜公

志在國是公勛具史冊公澤蔚繼起封圻世列
戟屬辭莫贊今知已獨感昔憶公攝郡篆講院
覩新闢我試冠童子千仞收破格入效梁松拜
勛對卻說策琴鶴輒陪從時時詠赤舄開藩駐
金陵我復瞻園客高秋飾青睞學習鍛霜翮卯
冬計吏偕手狀公喜懌戊巳兩下第袁江艤歸
舶顏色款修禮根柢予請益後來索米居公亦
葺邸宅垂老概卻埽得侍竟朝夕晉乘輅甫就
魚豕付讐核開我抑塞胸罔以境地窄儒先五

子舊年少服無數立身守性命文詞特粗迹佩
公贈言重知公與道適隅坐月霽初兀立雪盈
尺嗚乎我師表人天此永隔寢門握涕淚梵剎
肅香帛遺編功醺旱海內珍拱壁晚著河渠志畧迢迢
合河濱宰樹營窀穸謝傳成山邱羊曇痛難釋

菊枕

814

花之中惟菊能久而壽甲戌秋長椿寺
僧擔花入城一時寓齋瓶盎皆列延賞
逾月萎積牆陰余旣惜其清標潔蕊失

時見棄又聞藉以爲枕可甦頭目之疾
乃仿爲之并紀以詩

初陽吹夢溫白醉坐茅屋霜枝臘清影隱几得
幽馥早時插滿頭開後采盈匊搏爲枕中秘花
葉紛蔽蔽候律兆緹室延齡壽甘谷壺中日月
長一境游仙熟傲世本奇節垂晚惜棲伏美人
當青春誰不豔膏沐黃金忽無色秋容亦羞縮
時哉良有準佳賞畢公獨

見錢起白石枕詩序

寤言矢勿

諼書之其可讀

董富春相國贈米南宮真蹟及吾鄉沈文
恪王宮詹手書賦謝

墨雲黝黝硯池側并華不春凍蟾蝕學書蛇蚓
空自憎皴瘃揮毫腕無力咄哉奇墨到眼明一
夕傳觀受寵驚米齋甘露沐餘潤粉社清風識
老成古來論筆貴神變海岳管城當四面駿馬
口容羈勒施承恩數上宣和殿烟霞浩浩光采
新大觀紀歲維庚寅可知神物永持護肯使抵
璧隨輕塵吾朝文治興遼瀋鳳閣天門妙題

品卽看潑墨塞雲飛八詠詩才推瘦沈

沈冊書出關詩

當時同里琅琊王後先藻耀爭相望丹經鑪火

闡宗旨善本烏絲界密行

王冊書參同契三相類

瀟灑清

道各超絕一法香光一松雪流傳海上早鑄金

想見門前齊裏鐵古芸發函古色鮮整襟再拜

臨池顛知公持贈具深意更令後輩師前賢八

法吾家煥宸翰虹氣東來亘霄漢范氏荒莊

誦舊芬伯孫遺硯增慙汗

指先文敏公玉虹樓義莊諸墨刻

公

書矯健鸞鶴翔義獻似復宗元常致身綸閣典

樞要奚齒博士徵巖廊冠世鼎能世難得經國
文章眾矜式千間廣廈盡芘寒什襲青氍頓生
色饒福神仙蝨字魚枕中好秘芝泥書戴山庾
信銜恩重懷筆曹褒媿術疏惟有辦香具棐几
長句吟成輒伸紙他日眞書畫腹工指法金鍼
從此始

相國激賞小詩傳示賓客復以先文敏書
山雞舞鏡詩冊暨鷺池硯爲贈且云書冊
本君家物其善守之硯則從余樞直四十

年矣感老人宏獎之意謹綴數言以志私

幸

公家與我家三世本雅故我祖掌秋官愛客有

積素觥觥文恪公亦來客邸寓嘗聞蔣徑

蔣家
衡衡

開書畫賞禪趣賤子猶弱草喬柯得所附倒屣

禮仲宣懸榻待徐孺前輩說項心爲恩在咳吐

公曰愛汝詩此才真不數我知非詩工公殆掖

進步海天千頃波涵蓋相臣度歸我祖先蹟完

好略無蠹 純廟登極年鴻詞闕賢路命試山

雞篇獄中拾奇句閱八十冬春光采筆垂露研
池復摩挲雙鸞隱水霧下墨釜塗蠟琢手吳趨
顧從公軍機房卅載賀寵遇何爲辱寒檀珍重
此見付近文砥廉隅述德優思慕使非公愛物
幾訝暗投誤又非公念舊欲啟眾賓妬宛宛彩
羽翻容容紫雲沍寶氣萃小齋風月永持護

禮烈親王克勒馬歌

白山黑水黃雲封我朝崛興間氣鍾天降良
佐如降神地產良馬如產龍追風直欲走八極

七尺昂藏誰跨得麟毛豹股虬額膺金羈繡鞍
白玉勒惟王神武控紫纁馬亦低首稱祥良與
王一心成大功入關百戰無人當當時騰驤整
旗鼓廿萬軍陳薩爾汗奮身陷陣揮天戈葉赫
烏拉何足數克勒馬真健者從王馳軍中但見
沙蔽野從王歸帳下但見汗流赭王視此馬骨
肉親馬亦肯爲王死臣王已騎箕馬隨死斗大
房星光可指克勒馬烈可名請以王謚爲馬旌
曹韓不生伯時遠疇寫鬣角雙峰清鈍翁文章

世所目

汪琬作傳

何啻畫骨兼畫肉元狩虎脊徒區

區開元玉花尤碌碌馬有靈馬亦喜老髯奚官
長已矣君不見傑閣凌烟天尺咫肅肅英風四
蹏起王有功崇廟祀克勒隨之共青史

禮烈親王鳴骸箭歌

興朝騎射首肄武武爵善射名十五烈王藝具
貫札神髀箭森森傳秘府關東定檄開營門塞
山秋高旗幟翻紅輪懸的射羊眼萬眾聽鼓晝
不喧白翎金鐏插腰後滿月弓開霹靂手過簫

風疾爍電奔主皮墮空革音厚其製六孔觚渾
圓非銅非鐵骨角穿怪鳴一聲出林外下應擊
鼓聲闐闐傳箭流星走千里射馬射人此餘技
更羸鎖雲伯仲間黃帝烏號等閒耳獨訝筈長
三尺強飛蠻矢名尺六倍尺量垂天舒翼狀張拱
想見英姿 帝座旁留遺夏服鮫函節令德有
銘栝可勒玉牒當年並策勳肅王矢斃黃金賊

憚南田山水

著墨無多已是仙當年何必讓耕烟亦知造化

都參透天意分明厄兩賢

送劉金門師南歸卽之揚州

謫仙曾作塞垣行
載筆蒐奇歲幾更
黑水鱗鬐東注海
白山纓帶北朝京
九天詔下歸鄉夢
良史才難繫聖情
公望祇今推六一
閉門新見著書成

師輯五代史注甫竟

問字年來載酒過
當筵不奈聽驪歌
西風花事鄰重九
落日秋聲滿大河
魏闕關心知遇在
蜀岡攜手故人多

謂穀人師吳山尊洪桐生諸公

東南舊是掄才

地山斗何妨託薜蘿

京畿雜詠

秀水朱氏日下舊聞摭拾羣言自謂竊
取衛正叔集說之義惟恐著書不出乎
前人余以客居多暇往往游心訪古又
局於咫尺聞手是書不啻陳蹟瞭如因取
其可入詩歌者成雜詠百首非敢別侈
新奇聊附是書之簡末已爾

車騎南來霧掃空軒轅臺古接層穹吹將一夜

燕山雪仙李詩懷寄北風

霸圖碣石感茫茫
舞鼠流星異代詳
不見黃金求駿骨
空聞酒脯出明光

十郡兵連壁壘雄
邯鄲何事處深宮
中興若論雲臺將
牀下應推第一功

箕子城邊望氣佳
伏尸藏戶運多乖
當時卻笑王彭祖
親見牛羊走六街

十萬貔貅統季龍
密雲山畔陣雲封
誰知簡別衣冠後
銅馬千年鑄慕容

孫佺北伐失天時猶賦周宣六月詩八萬弓刀
陳隊出烏鳶食肉後軍隨

晉陽聽唱凱歌旋早失檀州眾五千少日佛幢
妖夢在開平空鑄守光錢

乘勝并門下薊城城南掘蟹兆休兵寶光寺外
屯豪寨擐甲誰爲辨角聲

常勝運軍報怨遲重兵看壓易州時男兒斗大
黃金印此語傳聞郭藥師

風官五百一時增倍道銜枚戰氣騰後夜迎春

門上望四軍燕象已先登

納款球場甲仗新捐燕議肯虎狼馴一從媼相
行軍後睥睨南朝又女真

宮闕圖成上有司貞元鐙夕宴瓊卮黃沙吹到
煬城暮百本紅蓮滿鳳池

南館班荆北燕賓提攜漢節國書憑葛王若聽
羣臣議可許生還范至能

鳳樓燈火萬人家賜酺年年望翠華三十六熊
親射得君王九月獵黃花

罷舞銀貂小契丹起歌簪策酒初闌紫濛盡是
南來客莫使鷓鴣絃一再彈

瓊華仙島麗朝暉太液芙蓉泛夕霏猶賸妝臺
舊時月廣寒依約鳳笙歸

蠻韉結隊走香車射柳弓彎落月斜秋夜吟成
趙文孺金鐘酒直賜天家

不須良嶽問宣和香閣朝看迎佛過南柳街頭
齊握槊桂薪分給四城多

大安樓閣映龍旂鐙漏雲中曙色微並御三宮

天仗列千官齊着只孫衣

宮妝新服尙高麗素指琵琶藝出奇莫奏酒神
仙一曲殿前空憶史騾兒

萬卷藏書購一椽經師鄭閔侍忠宣海東乞得
皇朝賜脫笠吟詩御案前

樂石奎章灑翰來題名華直近臣陪閣中誰篆
宣文榜康里當時解愛才

千文書勅管夫人秘省裝池玉軸新試問鷗波
亭畔柳天恩許作一家春

禁衛森嚴擁九重分排鵷序聽晨鐘瓊枝那敵
椒蘭貴豹首難撓劍鏑鋒

晉苑羊車幸阿嬌隋家螢燭照通宵春風出宴
樓毛殿落日行吟海子橋

燕邸經營瑞應符冰開玉沼現浮圖蜀中萬里
名材貢神木輪囷出馬湖

玉河流繞禁牆偏南內匆匆復辟年慣聽中官
傳詔出儒臣西苑侍瓊筵

金海橋頭蓋豹房虎城西北勢巍昂諸軍一色

黃鼠甲道是團營內教場

官扇龍池駐玉鑾內家新築采桑壇親蠶昉自
周官制漫任譏彈到禮官

雷壇夜醮玉繩低肇服雲璈別殿西無數青詞
齊進御中書珥筆屑金泥

司禮傳宣駕帖持錦衣列校坐丹墀朝臣誰具
椒山膽天上春回士氣衰

浮玉飛香四照花趨臺西望綠陰遮史臣焚藁
芭蕉苑夜夜文光結彩霞

窄衫唐帽舞徘徊宮戲熙春玉作臺
報道汴梁軍失守綵舟無復水嬉來

折糧石古聳孱顏鑒戒亭空曲水環
怕見宮人眉黛鎖踏歌聲繞兔兒山

金家兀朮有遺宮翰苑春依御苑東
雙柏常懷柯學士繞林百匝見清風

大慈恩寺載更名演象長安典禮成
廟祀初移姚廣孝碑文猶識党懷英

一代東林結社新黨碑羅織更何因
特嫌講學

分門戶翻使生祠媚厥臣

北海風雲落筆成雲麾斷碣墨庚庚萬牛輦致
官齋裏古揭摩挲李宛平

乞夢人來泡子河幾家華屋愴經過米齋賸有
非非石竹渚松門落照多

冰華梅史署芳名新樣觥籌翦葉成走馬黃華
坊下過柳枝猶解舞輕盈

佛火旃檀問石鐙王恭厥憶刦灰曾何如唐代
悲田院蠟燭幡竿守寺僧

城外諸山遠黛侵
署中落日晝悵悵
白雲樓上題詩日
豔說西曹外翰林

居士當年目湛然
至今甌塔萬松傳
瑤琴彩扇宮中物
愛附新詩寄白蓮

柴市忠魂一死甘
廬陵歸葬信公龕
北來栗主崇祠廟
請看遺編識指南

獵碣嵯峨太學旁
重氈裏載橐駝裝
卻思定武蘭亭本
贗鼎誰爲辨靖康

淨業湖邊鰕菜亭
蓮花對鏡寫娉婷
春風省識

怡雲面水調歌成取酒聽

響牖潮迴漑稻田西涯別業越橋邊紵衫雙履
公遺服當日奇童舉最先

三仙千佛護旃檀往日沙隄此戒壇一代功臣
推佐命英姿猶見進賢冠

伽藍趺坐悟前因祝髮頭陀帝舅親報國門前
松作蓋百年已長老龍鱗

娘子能軍氣自豪頓教邊帥媿戎韜卽今指點
屯兵處空說思陵賦錦袍

將士征遼去不還
憫忠高閣暮雲間
蕭蕭易水興亡恨
來弔南朝謝疊山

圖規太極建祠堂
伊洛傳薪到朔方
相國尊師雲夢趙
諸生聽講北平王

廉園休沐宴游頻
萬柳垂垂別有春
未肯將花丐恩澤
當時愧煞乞花人

穹廬十載奉三宮
勅賜黃冠異數崇
愁絕抱琴辭幼主
幾人祖道泣秋風

賢樂堂前燕喜亭
春秋蹕路幾回經
去天尺五

皆葦杜不數移文草木靈

嗣師新種梅花地習靜閒亭額漱芳不見詩人
張伯雨壺中跳入夢堂堂

黑松林外夕陽催廟賽人歸取醉來共話東征
嚴宿衛此間曾築蔬糧臺

金魚館裏酒常賒騎馬城東看杏花後輩誰思
虞閣老香羅題句按紅牙

舊吟白苧脫烏紗野屋重來酒旆斜喚起故人
搖落感東臯空憶趙匏瓜

百泉溪涵柳村遙十里豐臺接草橋重五中元
重九日拜郊舊典溯前朝

大布詩囊貯古春釣臺得句慣驚人相傳隱者
王飛伯御氣騎風七尺身

哀忠有墓弔從亡蕭后河隄志運糧同向天口
慨陳蹟石幢何處問開皇

持牒招徠活萬人至今燕九奉長春雪山蒿目
干戈起敢乞神仙自在身

範金搏土藝尤精西域莊嚴梵相呈被召奇工

劉正奉道園集裏舊知名

國花堂畔客攜尊雙柳陰濃綠到門自是茶陵
舊游地松楸遙認畏吾邨

不分齋經與漢經九蓮菩薩是前身君王奉聖
口安閣窳堵波中夢境新

五侯臺榭綺羅嬌南北分流淀海潮十里芙蓉
湖作鏡風煙不減段家橋

宣廟西行輦仗過開山功德玉泉阿木毬使者
誰傳信日募金錢得幾多

不是松烟盡墨材玉泉萬笏抵瓊瑰
宮何在付與披榛話刼灰

白雲深處是公家學道山中兩鬢華
一笑平章騎鶴夢玉霄戲筆枉爭誇

會景樓頭夢感泉來青霽色裊爐烟
幾重臺指祠星處百尺松傳護駕年

西山三百七十寺金碧輸成勅至尊
怪底藏經晏常侍不崇釋教重儒門

盧師卓錫戶陀林大青小青龍子馴
疊雲一夕

飛作雨秘魔趺坐驚天神

木葉續繙繞曲房畫眉奇石問齋堂何人攜笈
修京志可惜遺書失豫章

桑乾激箭濁流黃跨海虹腰架石梁當日誰開
古金口渾河未見集帆檣

仰山峩峩萬仞梯蓮華峰在山西寶坊游人
可能到時有真隱來幽棲

妙嚴公主拜輒留佛殿雙鴟古樹秋九點烟中
潭柘寺問名還不後幽州

峭壁噴岍鶴子迎山花照耀瑞雲明
內家親賜金龍袂珍重摩訶煮石鐺

劉李河源聖水環塔窪邨北黯榛菅秦鞭無力
驅頑石枉遣孤雲出故山

半醉半醒過半夜三更三點到三河宮中賜宴
傳佳話未要晨鐘送玉珂

至元增置直沽倉津鼓三山出大洋一自定都
初建議金符萬戶寵朱張

蘆臺南去玉爲田煮海春生萬竈煙七十二沽

迎聖母靈旗綵綵晚風前

相臣首領仁虞院潮鎮臺高起瞭鷹本是延芳
游獵地五雲廬帳望峻嶒

三分帝業限偏安故里樓桑覆蔭寬卻憶桓侯
從百戰橫矛長坂走曹瞞

薄宦流離遠劍南房山今有島仙庵狂吟未謫
長江簿落葉聲中寄一龕

涑水東分大小翼休明隱處水經詳招魂六聘
山前路表墓何人盧道將

石經刻石壽千年慧業祇林靜琬傳玉匣金瓶
貯舍利懃題直是小西天

尙書問氣鍾西域筆下青山老更蒼過眼煙雲
推米虎祇今殘月射羊岡

處士金儒斲玉琴湘絃拂拭古桐陰薰風一奏
宣和御來伴房山作賞音

皎月銀河借鐙燭松風石榴作笙簧上盤雲氣
中盤接紫蓋峰高佛日長

趙鄧眞書並擅名謁來裙屐草堂成閉門自得

支離叟相對霜姿鶴羽清

嘗聞種玉陽翁伯得遇天神輦水時後日雲中
雞犬約故教白璧繫紅絲

灤河北繞古鹽城萬斛湯泉徹底清持與驪山
較溫冽銅龍噴雪一春晴

司戶含忠下第年昌平俎豆頻池邊太和早納
千言策何至西州痛播遷

檄虎文章信有神梁公遺澤及斯民行軍河北
思棠蔭豈直燕陲薦白蘋

不向松亭出柳河翻令紆轡石塘過東都博雅
推劉敞莫示雄關薊鎮多

茯苓賦好誦師儒持節燕山景物殊怪底夢中
尋蜀道不知瓊臺識三蘇

濟州漢刻在鬢宮誰起沈碑泗水中金石編成
三萬軸英瀾文海昔稱雄

秦負嶠函蜀劍門螭螭一束限中原古來烽火
幾征戍戈鐵難招壯士魂

詩船詩錄卷一終

曾孫爾鼎重校

詩船詩錄卷二

華亭 張祥河 元卿

銅井

玉蟄苔花繡銅綠
輓轡裊空曲復曲
泉香逾冽
泉味寒苦水易得
甜水難千家汲水
齊曉出萬井
京城此第一相公
門前如水清時聽
隔牆鴉
軋聲吾齋花木新
陰補風日淋漓滌
乾土金瓶
銀牀那用誇洗來
倦眼雙麻茶請看
蟾滴解春
凍自畫梧桐著高
鳳

釣魚臺

一角荒臺馬首迎釣絲無恙斷烟橫大隄樓閣
淍虹影白日菱蘆亂雨聲人去英風留水石秋
來詩氣帶幽并布囊好句搜難盡酌酒磯前碧
草生

送蔣香杜之保定

榆塞春光入紫駝莫瀛陳蹟漢唐多三關北控
蜚狐口一水東趨拒馬河官閣吟香花綴玉郡
樓橫翠樓名髻堆螺憑將古意龍山擬結賞當年

重范何

謂那繹
堂制軍

陳石士編修桐陰老屋圖

森森甲第五雲端愛此桐陰一角寒初地略同
開士悟百年都作寓公看盤根錯節天原厚問
舍求田事大難滿屋狂花人外寂卽今清美是
貧官

夢中竹石句中仙鄉思蒼茫獨立邊述舊端宜
詩本色題名恰稱畫天然文章入室二三子風
月當場四萬錢百尺龍柯如古佛吉祥雲裏話

前緣

湯泉在湯山下

晚風披客襟初地憩塵鞵巖扉紅一帶逸響珮
環送 禁苑引上流藩衛閼華棟其下拓數椽
祓濯供僧眾方池剡石成玉龍出瀕洞明珠領
可探足練手難控絀鑑照琤琮滿室儼烟霧蓄
洩判清濁機轄水落空蹊沒潮漲痕汗浹雨消
凍丹砂發溫磨醒我薄寒中皮毛瘡疥癬埃壒
淨巾幘今夜投土牀會續西山夢

西山亦有湯泉

沈弱侯同年移寓研山堂校李雲門先生
遺書

定九遺書重不刊肯教仙李歎叢殘周天有數
推無盡後世相知定最難西法自開三角便中
原誰解十籌殫硯山堂側論文地愴我重來過
藥闌

顧荃士遲余不至詩來問近狀賦答

鳳城驅車輒數里煜煜火繖當空張訪君蘭若
計相左兀坐惟覺清晝長鄰僧送花趁晚涼插

言身言金卷二
三
籬歷亂紅一牆雨雲壓樹又飛去引水輾轡聞
土香

論交近頗麴生善對卷遲爾長相思杖頭壺盧
出新市高槐蟬噪醉不知淞波灩灩浮綠卮秋
風渡江行有期詩腸作惡戒磊塊聊翦尺幅爲
淪漪

飯飛來峰前遂循竹徑登韜光憩金蓮池
上

成此獨往心獨酌興亦頗清齋薦蔬筍盡醉秋

病可秋深渺游人一僧復一我我訝靈鷲飛何
以僧前墮西天僧有云傳信我無那巍巍佛殿
鴟昨年燬于火惟茲冷泉亭著我忘機坐前林
苟將來嶄徑惡掀簸直思躡屐上萬竹碧陰鎖
竹杪出遠天寺門開豁問大雲罩蓮池不壞黃
金朶緣厓聽奔流澗石莓苔裏明湖西渺漫高
峰北碣碣揖僧不揖佛我欲證前果

余家故有西溪別業問之老僧猶能識其
處

見說湖莊十畝陰寒波蕭瑟入秋深青萍星晚
飄前澗黃葉霜初戀故林姚嬾獨煨僧寺芋買
閒何用客囊金前塵一夕蒲團話定裏鐘魚託
賞音

贈馬秋藥太常

桐君老健杖藜知曾陸前緣見悔遲大雨一天
來揖佛精心入極起論詩乞身宦海羣鷗喜提
唱家山兩鶴隨

章伯悅卿
兩公子

聞說南游窮嶺表搜

奇何止荔支碑

園梅乍放獨酌成篇

昨爲武林游苦雨窘閒步西湖蘇公祠梅花廿
餘樹瀕行僅一至欵乃水雲暮歸來叩園梅開
霽數花吐老榦百年物疏疏入禪悟次者翩若
仙絳袂雜縞素最穉吾手植卑枝插籬護計閱
六暑寒亦見萼銜跗冷香足靜參故山春故故
玉鱗一夕飛澹月罩輕霧吾醉獨酌花階前拾
殘句明當約我友各各治酒具近郭花號萬何
處殆迷路還攜載鶴舟去拜閻公墓

言月言金卷二
十三日徐家墳觀梅偕遊十一人

野鶴集花下招邀不須束張筵就苔茵五六坐
相羈壺觴隔離置過酒出鹿眼梅分東西園收
果當營產墓田春雪豐點綴山容嵯峨晚風旋
緊澹妝亂梳綰偃幹繁礙冠飄英寂黏殘居人
雅愛客折贈數枝揀何辭十日醉所恨一水限
讀惜抱軒文追輓姬傳先生

明代震川今望谿先生之文欲與齊百家騰躍
各戶牖不如簡潔歸天倪鍾山開堂歲講授諸

生牽羊祝老壽壽則考終文不朽文能壽世天
所富家除遺書四壁空傳家百計宜清風侯芭
負土幾高誼桐城宰樹何葱葱先生含笑出耆
社後誰相知定文者側聞衣鉢有替人我昔空
慙拜牀下

王澹淵同年自宣城寄示近詩卽用卷中
雨夜同荃士唱和韻題後

握手聚春雲分手散秋雨平生素心人心數能
幾許敬亭有客山中眠薜衣孤寒抱瘦烟眼前

片石可與語鏗錡詩格何蒼然九月河流醉桑
落狂嘯時聞動輔齔紀游擲筆詎墜歡夢裏扁
舟尙鳬躍

墨池對雨作畫復用前韻

出門對俗客不如坐對雨澹忘畫理參著色向
何許春陰沈沈柳試低翠禽踏翻千竹烟頽垣
編槿補林罅露山小桃紅欲然墨池余居本瓠
落齒齒漱流石齟齬圖成滌取雙鵝眼驚起伏
鱗草間躍

示丙章弟

兄居墨池弟竹所絃讀相聞各扃戶萬竿繞屋
成綠天真破濃陰逗疏雨朝喧開幔起宿禽晝
靜檢書竄飢鼠杜陵水環南北舍平原山接東
西廡客中四載看雲憶花外一杯邀月舉陔蘭
采采足色馨春彼游盤亦何取小詩不厭再三
改商略還通隔牆語

葑門感懷王惕甫丈

芳草堂中黯夜蟾古華亭外悵郵籤半生冷宦

貧非病壯歲狂名晚自嫌送老江湖同輩盡善

書夫婦一門兼小園枯樹蘭成賦物化何堪更

紫髯

家園紫藤故百年物往爲大風所拔丈作古藤歎見寄

宋拓玉枕蘭亭歌

藏春木家

蘭亭一百十七刻理廟秘玩歸平章權好奇計
事風雅定武影本明鐙旁縮成小體五字損觥
觥武爵酬廖王洛神當年並鐫玉于闐靈壁爭
輝光杭州一唱歌舞絕誰其拓者聲琅琅性命
毛輕物山重前有趙叟今蕭郎遂令懷壁後人

戒孤兒負石空逃亡

康熙朝爲閩中蕭長源給諫所有耿逆欲之靳不與

後遂遇害其子靜君攜之走金壇

我思昭陵閣繭紙玉盃竟發

天蒼黃戎溫無賴委瓦礫鈎填眞蹟推初唐斑

斑要錄姓名具褚馮韓趙諸葛湯館客稱功技

狡獪福華撰罷募歐陽此書無異辱金辱妓圍

朱蠟羅東堂休論葛嶺半閒廢已見趙家全土

荒珠玉侈心建多寶冰山失勢難久藏木棉肯

爲天下死惜未俱碎投河漳名流工作荔支喻

肥瘦迺復窮銛鉞咄哉虛舟遇靜君宋刻宋紙

揭最良同時退谷字藏穎兩公一笑臨池狂世
間抵掌優孟輩癡蠅譏恐貽南昌何如滌筆向
湖水蟋蟀秋高金粟香

大雨

大田赤日枯棹橫一霎烏雲作勢成起鰲城邊
騰海氣掛濤檐底走江聲米家畫本粘天黯杜
老詩懷倒峽清罷撫牙琴驚潑刺小池正喜怒
潮平

聞道求言 手詔裁風霾四月障燕臺好隨傳

相甘霖沛一埽蚩尤毒霧開急溜河隄添夜戔
高歌田舍發春醅遶東更望君王駕灑道行
看絕點埃

赤蛇據琴腹

蒙茸積陰藤蓋屋掛壁琴閒舊所蓄何物丁丁
響空洞乃是修蛇據琴腹蛇身比琴三尺強赤
鱗盤舞牙吻張冰絃湘水久無語竊聽勞爾中
激昂大音希聲在清廟蠢動烏能識元妙豈其
噓毒託潛隱始也藏頭卒尾掉我爲水仙叩大

荒惜未抱來滄海旁不聞蛟龍刺船起見此蛻
蛻百衲囊又爲桐君賀除孽弩影杯中手可掣
不然雷公奮擊柱古漆分與蒼厓裂飛塵拂拭
晚軸簾清泉洗指指法嚴孤檠鼠竄不成調照
汝惟招白玉蟾

納涼墨池亭上琴罷有作

解隨曲折赴廊腰蔌蔌風來鬱勃消蝙蝠飛斜
鐙隔院鵲鳩啼苦雨明朝玉絲上軫瑩於雪香
篆侵簾薄似潮甚欲希聲松石外忘機那用海

鷗招

塊獨

塊獨情懷託寤歌
爾巢此亦小
槃阿友憎酷熱
偕來少詩記
前游補入多
蟬午綠吟三
徑竹蜂
農紅闌一池
荷更無遊戲
書裙筆那署
銀鉤向
扇羅

河朔誰家飲
正豪笛聲吹
晚度林皋繁
花刪後
朶尤綻老樹
修餘枝越高
池面萍疏魚
漸活樓
頭果熟鳥先
饕但容方寸
清涼地不省
炎天襍

襪勞

八極和尚爲汪蛟門先生之兄 國初祝

髮淨土今寺中藏遺象喬石林侍讀朱澹

子侍御輩皆有題識余得展觀附題一首

澄觀八極事堪知蓮社東林復見師遁迹一生

惟好酒開堂諸老爲題詩空門法力龍行大難

弟才名馬訟奇知與習公同挂錫五臺贈別不

勝悲

蛟門贈習眞導師五十序並錄五臺贈行詩未及老兄酒病正謂八極也

月夜復登金山同荃士

好山觀面如佳客不厭登臨晨復夕我來蠟屐
翠微巔風日江天壯詩魄落日西風仍艤舟黃
昏更作山前游冥濛遠黛攬雲暗浩蕩江湖帶
月流江雲江月清如許此夜憑闌惟我汝僂指
頻年一再過山靈今昔盟心語凌虛浮玉亦蓬
萊醉後還教夙抱開壞壁曾無題句在老僧猶
解款茶來鐘魚習靜禪寮鎖夜色霜清明佛火
入耳鈴將鴿梵催打頭葉傍烏巢墮大江南北
一波平吹角遙傳鐵甕城對坐高歌生蒼莽諸

天形勝出縱橫吾儕懷古增歎歎片石須知載
英氣巖腹橋留玉帶名并睂泉飫中冷味更關
凝絕此探幽客路三千始水郵點筆歸尋鷗畔
夢平明鼓櫂向瓜州

香草

香草薜蘿不可簪當門殘柳意蕭森冶紅流出
隋隄水不盡闌干曲曲心

六安溝寄懷澹淵宣城

莽莽凍雲合寒生薄暮天人家雞上屋野岸獺

窺船遠火明官戍衰楊單水田一時爭夜泊急溜竟難前

萬籟倏岑寂殘宵月似銀淤沙斜柁避荒柝小舟巡宛水懷人遠前游翦燭頻蹉跎篷底話襍被又關津

奉輓董文恭公

森森珠鼎墮寒芒天上哀榮淚幾行下 詔親藩先 賜醖迴鑾 聖主復臨喪 兩朝禮遇師資重一代清名相業光直是昇平功翊贊故

應崇祀位賢良

平生謨告 帝顏溫垂耄明聰古佛尊故相當
時猶後輩大藩此日半通門養頤健未資苓草
惜福甘還飫榮根廿載沙隄無片畝帑金新拜
內家恩

句牖金殿歷仙官宦海無波亦大難母訓常銘
熊膽苦臣心不爲虎鬚寒和羹人覺春風藹溫
樹公眞直節完軍國有時咨定策倚來磐石萬
分安

尙書率木望蕭森未遂歸田甫脫簪郭令勛名
輪簡靜魏公器宇本深沉櫟樗也入憐才格琴
鶴無非感舊心遠道遲看經被殮河聲一夜獨
沾襟

十一月廿一日行至袁江始聞哀耗

己卯正月三日過黃左田師并西書屋觀
歷年手畫歲朝圖賦呈二首

連番賀歲畫圖間肯把桃符俗例刪柏葉椒華
都在眼絲雞蠟燕一開顏歸心蘿薜垂垂舊詩
境蓬萊得得閒六法全家真特絕故廬老壽拜

衡山

問梅題竹自年年春在先生杖履邊大雪一天
將進酒新詩百疊小游仙常時點筆還嗤俗此
後拈花欲叩禪我愛井甃數間屋石闌要與古
藤傳

周芸皋九里洲看梅圖次朱彥甫韻

驢背話殘雪梅花夢見之故山我負汝荷鋤歸
來遲開圖白迷濛雪色嚴江湄探芳九里洲春
曉鳴榔枝鷗鷺盡詩侶遙和聲啞伊好天解人

意設此畫景奇況乃敝客筵眷眷在別離眼明
姑射仙玉骨兼冰肌驚虬舞最翩健鶴守勿疲
十萬浩香海烟水生夕姿使無華光筆又乏邁
隱詞何以酬冬心異時悔莫追花前三尺縑繪
影多沈思古苔合岑契夙與山靈期一醉萬花
喜雪壓冠巾敲暗香覺漸溫不省風淒其昨我
來武林江水隔渺瀰遲我掛帆至惜未杖策隨
西湖復高會劇飲恣娛嬉無花有美人肥瘦誰
瑕疵縞袂易靚妝那厭傾千巵翠羽夢易醒羈

緒方同茲中年憶客舟聽雨一以悲諸子倘相
問燕市緇塵吹炎天詠寒花惟有花能知

橫雲山莊圖

吾郡九峰以橫雲山爲最先從祖文敏
公陳奏高祖遺命置義田贍族追授少
宰 詔建特祠於山之下春秋遣官致
祭族人咸在卽日分給義米歲習爲常
祠右依山結園竹木環帀又折而西石
徑繚曲循磴直上跨澗有橋宿雲庵矗

其前庵中尊經閣皮藏經卅架命僧守
之蓋當時祖業之盛也至今齋額楹帖
皆文敏公手書閣雖就荒而巒翠澗泉
猶隱丹堊祥河冠後始得展禮十年來
南北奔馳僅兩與祠祭茲與少迂袁君
語及曩盛求爲作圖以述祖德而寄望
雲之思且失學自警冀他日得讀書山
中庶幾不負先世休美云爾

杳杳橫雲山山亘斷雲互沈沈宿雲庵庵小吉

雲護平嵐刷遠黛蒼靄四圍布好花發春嬌黃
葉賞秋暮選勝敞祠宇喬木百年故及時遺繁
來官船迓前渡宗支入陪祀高義范莊慕山前
聞唱籌米數浮人數園丁供鶴糧溪叟上魚賦
賜書佛日光梵夾辟千蠹吾祖通釋學慧業
本天付豈惟擅入法文字盡禪悟飛樓罩妙變
奇石下甘露潺潺澗泉聲林罅短橋度晴絲飄
竹巾宿雨濺芒屨香火問僧眾我來未能屢平
生出岫感佳節此羈寓展禮一以缺食舊動生

懼楹書結素心適軸思小住天末寫歸雲飛掛
江南樹

寓齋雜詩

前軒面北開風至披襟受爲愛槐棗陰後更敞
南牖硯池綠生波涼潤絕纖垢秋來浹雨酣
意人中酒卷簾香在鉤埽徑水盈帚平生嗜茶
癖早設貯雨甌鑪烟有餘青牆角積苔厚微聞
鳥啄響茶熟呼我友

井垣見牽牛深翠劇可喜白花綴數鈿曉光澹

于水縛蘆支一架柔蔓得所倚金風拂機絲裊
裊素手理花開薄清晨稍晚花輒已北人工比
喻呼作勤娘子嗤余看花者幾日亦早起

舊吟慨東閣詩成復誰賞沙隱日正長不復雷
轂響北風與雲漢世態一俯仰垂翅借昔枝屋
烏我心嚮敝帚頗自惜固知廣廈廣佛言觀自
在古月揭高朗昨宵夢梅花幽香滿書幌

朝讀玉川詩傷哉直鉤吟三十不行道持竿毛
髮侵餌名古所賤曲直憑寸鍼吾家圓柳上水

竹環清森小年釣游地初志猶可尋何爲跼塵
中蘿薜空題襟止止勿復言滄酪養人心
齋壁掛素琴冰絃久不張瑤軫更無著脫落隨
錦囊沃水一拭之斷漆生輝光署名老跡手篆
刻龍池旁撫茲古桐材棄置行自傷及時亟修
理完好彈清商

南來六月書中夏多陰霖氣候一日間涼暑相
侵尋北方苦炎熱偏甚三伏金邇時始行雨漸
至秋意深游子拜起居一月一寄音一音偶阻

修堂上懸懸心

冰鯉用昌黎石鼎聯句韻

霜天登膾材擊鮮珍鷗烹河伯移素書席上流
澌聲膠頷瑩去聲濡沫亘腹堅彭亨泚泚乾雪裏

鱗鱗枯浪驚出淵抱彌潔在玉心愈貞健今網
薦起穉昔陵居爭鱗花六檠篆頤柳雙縛纓潑
海腥土溼掘淀寒沙平飛越本山湖神變元胎
萌簷釣爾縱匿琴乘仙所傾謝井汲云幻姜舍
泉越清門偕龍額排岑陋牛蹄盈何緣躍波嘉

儼使翻水成護持瓊瑤貴陟負風日晴結氣僵
不死削骨孤能撐終當濟異火直任調鼎鐺凡
品異鱸鮓泐莽徒谷坑口饒淨漑釜手漉溫提
罍凍蘇頰旋張凌聳尾可擎七發列耆炙一味
謀新羹層批晶暈迷縷刷落紋輕誰誤金錯投
欲借蘋盤盛甕大肖繭脫劍短疑鋒橫嘗聞徵
絃動亟應池鐵鳴晞陽銷釋驟物理感召誠療
俗多內熱蕩消有餘情刀匕鮮稱選豆藿鯖忌
并局室佩符集噉厨觴政呈岑杜餉空紆儉楷

說漫鏗赤鯁訝唐律白騏嗤充名老饕恣拔嚼
久曝柰觸振充俎賞奇雋耀壺融光精毋爲詩
獨諷盡此酒再行

冰牀

堅冰夜裂寒風勁草屨攜牀踏明鏡三三五五
來河干迅步如飛練光淨計程數里一轉眸非
陸非水非行舟一牀人可兩三受前僅一人肩
革負製四尺方高尺強削木平圓不脛走我昨
偕朋挈坐氊明湖放眼琉璃天同行數牀激箭

駛我牀居後人牀先笑促我牀并力馳一牀突
過加十錢十錢鼓興曳者喜不見他牀我前矣
他牀不見未足稀曳者不見牀自飛水晶宮中
有奇境直瀉欲窮千萬頃一呼止止聲疾然投
以草屨沮不前宣武門邊下通潞行商日午冰
牀渡世間捷足乃如此安穩曾無諸恐怖瀛臺
臘月陳冰嬉分棚布翼毬射宜我 皇講武寓
行賞冰牀親御瞻 天儀太平滄海無驚浪鷺
鷺翱翔液池上出城世界瓊瑤光斜照水濱人

影長發春冰泮駕輕舸收去茅檐作客坐

哈密瓜

包貢西來實如斗瑤瓦青離蜜黃剖塞天寒夜
酒不勝堆枰削脰皆冰凌月支漢郡燉煌置今
曰準疆歸腹地種瓜第一碧玉名金塔寺中瓜
價騰深秋瓜熟冬不壞玃闕星馳歷闕隘大
官拜賜巾絺珍分甘詩社題鮮新酒旗朗朗
唌厨側渴疾更闕亦銷得聞道常年達御前
關內關外都瓜田詔書昨歲邊籌及諭令丁

男收子粒會水沙州接酒泉詩成朔雪占豐年

贈玉水

送君往歲天□寺祖道銜杯數行淚逢君今日
長安城蕭蕭破屋來詩聲八年不見見各喜回
首天山如夢裏話到餘生載 賜環感 恩淚
落長江水長江浩浩返東流一舸南尋故國秋
宰木滄涼遼海思客裝蕭索薊門游男兒萬里
經荒壘雙鬢何曾顏色改惟有天涯馬角哀妻
孥竟不生還待舊巢重覓繞梁塵四壁琴書看

隻身識字從知憂患始無家始覺別離眞人間
百斛澆愁酒白眼狂歌置誰某意氣侵尋壯歲
餘文章珍重名臣後君不見退院孤僧坐白雲
漫山朔雪夜紛紛北風力小寒烟擁清磬無由
徹曉聞

示荃士

時世休誇冷澹妝更翻繡譜上苓牀離宮不少
青春恨說與深閨晚嫁孃

姚春木寄示草堂卽事詩因述近狀奉答

兼懷王澹淵旌德姚建木寶應

故人遺我書草堂喜新築寤言良自適養性在
水木循陔奉色笑著述得清福誦君詩十篇逸
致豁心目南邨我舊游招邀常信宿茲當賀成
厦觴客酒初漉惜未偕醉吟遠懷寄空谷人生
貴知止機事何逐逐多君志力學萬卷度高屋
嗤我營客巢銜泥亦聊復居然一房山岑對忘
去聲昏夙妻孥千里至頗不做廬蹙惟有望雲心
時時眺岩麓

我翁九秋來娛侍攜一孫僕僕塵鞅勞所喜顏色
暄浹旬庭慶集招客怡琴尊方筍菊酒香愛
日融前軒婁東忽檄催祖道瞻還轅苜盤一味
好夜雨江南邨迢迢平安書驛使時款門課兒
就燈讀鄉思與婦論歸與總不言有夢茆堂溫
蘭陵敘朋交不心謂徒面相友實相師眼底孰
俊彥散木拙於用要可根柢見我少局咫聞歲
月惜奔電志不靳勝人古之立言羨君書來勗
我所力在經傳文章本明道豈直聲采擅柳州

與中立一論早貫穿取實先去名名言我心眷
儕輩商舊學同里推王郎骨相具孤傲世態欲
坐忘頻年客宣城好爲古文章昨歲滯京國儻
居常對牀論道淑正傳六代迴瀾狂昌黎不再
生酒後心茫茫求舉簪程度時命悲空蒼麻衣
泣南返近訊通數行皖江賴生徒高誼能牽羊
前賢薄斗筭得失毋自傷願言葆真素三益還
相望

哲弟官淮南近隔一江水板輿計迎養堂北灑

一
婦俟新聞闢榮畦
棲棲土膏美霜天采肥綠雅
可備甘旨我翁昨經過弱妹一再視女牆見帆
影相逐泊舟喜高寶障洪流瀦蓄治河始邇來
海口濬恬波激箭駛城東昔畫川講院集多士
題襟源諸老百年此興起慎無薄冷宦懷哉用
文史

贈徐星伯陳範川

初元 御極詔求賢
鴛掖承 恩兩謫仙
十五年如塵夢覺
廿三人共 絳臺宣
早時偕赴簪

花宴璧友才名本同硯珥筆春風入玉堂句臚
上第傳金殿鑒衡特畀冠清曹纂校專司譽並
高列戟湘南星使望懷鉛柱右史官勞驚心消
長看潮汐宦海波長歲華惜感沐 仁皇寬大
恩西南先後成遷客新疆遠地戍伊吾戊己邊
屯析漢符萬里經行關外月一編創獲掌中圖
故人尺素馳羌騎游蹟金焦等閒寄得助江山
滿篋詩相從文酒諸生誼裏函駝背 賜環回
奏御黃扉夙愛才已荷簡端 奎藻弁早聞京

口辟書催清班無礙頭銜改蒼鬢朱顏各丰采
典誥楊常報稱多彈冠王貢前因在紫薇被寵
薜蘿身佳話詞垣特地新桃李俄成前輩契蓬
瀛知有再來春昨年我媿陪華直掌故重論鳳
池側鬼記徒縈習習思咫尺間難定觥觥墨翩然
二妙愜新盟雞樹奇緣聽鶴鳴知識文章杜景
儉今時著述屬先生

題張船山太守詩後

驚人奇句落鐙前日下曾經識老船

太守常詩以自號

派一朝還近宋名流再世定登仙
嘔心酒畔真無敵插腳塵中亦偶然
天爲蜀江重生色千秋幾幅浣花牋

石青木脫證枯禪得句先期爲世傳
遊戲輒留隨筆畫疏狂不諱賣文錢
萊州海市空塵宦虎阜鶯花送晚年
傀儡登場真一笑當時有此玉堂仙

復寄故園弟輩

欲挽銀河一洗杯
嘖廚星近酒旗開
尺書圓柳

催鴻去黃葉西山送雨來嬌女不眠聽夜讀蠻
奴無賴埽秋苔拚嘗幾載貧官况稗竹丸松取
次栽

無分湖山慰索居枕邊馳道動雷車同年友訂

論文近彌月兒看學笑初好事奇花鐙下卜新

詩短髮月中梳

東坡月中梳頭
詩子由和之

北來雨溼江南

似正盼秋晴曝古書

俯仰恆河影與形玉山扶醉意常醒
好名一念終難免見道平生或未經
明月擬將團扇畫秋

蛩當作故園聽未冬預把幽風讀向北寒多塞
破櫺

兩親康健祝天涯供佛香生九日花游子一身
思自愛古來八口例成家俸錢先爲兒延傳鄰
廐常教僕借車堪笑應官還未習中宵屢起看
參斜

重九日左田師招集食筍齋出觀明人九
日詩卷命和吳匏庵用邠老句原韻四首
滿城風雨近重陽霽色延秋入畫堂下直尋詩

無別嗜登筵 賜果許分嘗
畫圖欲染楓林絳
節物偏遲菊蕊黃
隨分題餽佳興在
催租應復

陋潘郎

滿城風雨近重陽
話到東吳舊草堂
老福前賢

多獲壽清閒一味要能嘗
芝鈴細認雍邱宋

卷中

有小宋錦暉新歸江夏黃
百歲恆河誰見性
祇

鈴記

宜千首賦王郎

滿城風雨近重陽
問字人來半玉堂
埽徑好留
叢桂賞濯畦更待晚菰嘗
竹成佳蔭分行綠槐

展秋期一月黃

今歲北闌展期一月

怡爲看花開笑口元

都舊植盡劉郎

適聞山右榜發師督學時所得士中雋爲多

滿城風雨近重陽咫尺欣依綠野堂客夢談山

春筍憶鄉心賽社濁醪嘗登高極望停雲碧盡

醉行看返照黃無限刺船滄海思焦桐拂拭威

中郎

借韻奉題王中九日師與王子卿太守暨

公子在軒昆季分詠節物詩後圖爲在軒

作

滿城風雨近重陽得攬奇珍鳳咮堂天下文章
於此聚故園觴詠記吾嘗換鷺幾尺吳縑素策
馬前塵塞草黃常年此日師正居從滌陽今昔何如蘇與趙
一門風雅被諸郎

滿城風雨近重陽開甕流馨已滿堂漫任詩翁
隨意插休咷茆店及時嘗饒融粉印燕支赤旗
颭秋陰蜨翅黃醉拂紗籠誦題款牆東舊識紫
髯郎

十九日師復召諸門人爲展重陽小集命

用前韻二首

可無此舉展重陽韻事傳今六一堂有約更陪
蕉葉飲者番真對菊花嘗連朝風掃秋陰黯幾
樹霜添野色黃讀到登高舊詩畫由來兄弟重

韋郎

出示登高圖乃師少時
與伯兄暨諸朋舊合作

暢好南窗納早陽 賜居新署借枝堂書因再

讀多奇趣果爲遲收勝乍嘗離坐恰參三士俊

陳蓮史殿撰許慎
生陳芝楣兩編修

良時難買萬金黃酒材分去聲

遣門生致偏愧頻來醉索郎

送金門師假歸萍鄉

一夕江湖思千秋著作身歸田清福在注史巨
編陳初志希孫綽東巡倚鄭均觚稜回首戀豈
遂白雲親

玉塞歸龍節蕪城拜鶴書文章圖報日涕淚再
生餘薄宦風吹袖華年雪在梳好時續耆社朋
舊慰離居

海內論才數談經夙望傾所思惟故相彭文勤公難
別是門生章水東西台袁山大小迎宜春臺名存

望處桃李不勝情

受知偏我厚十有五年間酒約黃花餞秋隨赤
鳥還瓠蘆商舊學鴻寶駐韶顏千里淩雲氣遙
瞻紫蓋山

哭三叔父

無端幾夜夢魂驚噩耗俄傳自錦城遠道奔星

攫急疾中年手版負平生

叔父丁庶祖母憂入
月中赴省領咨將行

得略血疾
迷不起

攢眉黯澹三秋色裏足艱難萬里行

哀毀由來成至性九泉飲恨子規聲

家風坐擁舊氊寒古貌人覘道氣完無計療貧

因作宦固知守拙不宜官靈著莫問青囊數上

藥誰傳石室丹

叔父能操著并通岐黃

八口熒熒寄官廨

可乘春水下危灘

秋原兩賦鵲鵲篇

謂伯父暨四叔父

白首何堪又泫然

尺素黯披殘雪後

家中臘月得信

萬端愁集一燈前盼

回旅櫬帆無恙安頓全家屋幾椽滿目伶俜扶

幼弟異時相付只陳編

詩舫詩錄卷二終

外孫女耿兆珠重校